

**BOSNA I HERCEGOVINA
FEDERACIJA BOSNE I HERCEGOVINE
ZENIČKO –DOBOJSKI KANTON
SAVEZ SPORTSKO RIBOLOVNIH DRUŠTAVA ZE-DO KANTONA**



STATUT

**SAVEZA SPORTSKO RIBOLOVNIH
DRUŠTAVA ZE –DO KANTONA**

Zenica, 10.05.2012. godine

Na osnovu odredaba člana 11, Zakona o udruženjima i fondacijama («Službene novine Federacije BiH» broj 45/02) i Zakona o slatkovodnom ribarstvu, Skupština **SAVEZA SPORTSKO RIBOLOVNIH DRUŠTAVA ZE-DO KANTONA** na **SVOJOJ** sjednici dana **10.05.2012.** godine u donijela je :

S T A T U T

SAVEZA SPORTSKO RIBOLOVNIH DRUŠTAVA ZE-DO KANTONA

I. OPŠTE ODREDBE

Član 1.

Ovim Statutom uređuje se:osnivanje, naziv, sjedište, ciljevi i zadaci, zastupanje i predstavljanje, prava i dužnosti, sticanje, raspolaganje i korištenje sredstava, organi Saveza, izbor organa, Skupština i njen djelokrug rada, Upravni odbor i njegov djelokrug rada, Nadzorni odbor, Disciplinski sud, planiranje i programiranje, stručni poslovi i evidencija opštih akata, prestanak rada Saveza i prelazne i završne odredbe.

Član 2.

SAVEZ SPORTSKO RIBOLOVNIH DRUŠTAVA ZE-DO KANTONA (u daljem tekstu „**Savez**“) je nevladina, neprofitna, vanstranačka, nepolitička i samostalna organizacija udruženih udruženja sportskih ribolovaca sa područja **ZE – DO KANTONA**, čiji se rad zasniva se na odredbama Zakona o slatkovodnom ribarstvu F BiH i Zakona o udruženjima i fondacijama građana F BiH, odredbi ovog Statuta i ostalih pozitivnih zakonskih propisa.

Član 3.

Udruženja sportskih ribolovaca udružuju se u Savez radi primjene i provedbe javnih ovlasti u skladu sa Zakonom o slatkovodnom ribarstvu i usklađenja svojih zajedničkih ciljeva koji se odnose naročito na :

- provođenje utvrđenog sportsko ribolovnog plana, a prema organima vlasti kantona i Federaciji BiH, naučnoistraživačkim institucijama, SRS BiH i drugim institucijama i organizacijama od interesa za udružene članice;
- razvoj i planiranje sportskog, rekreativnog ribolova;
- razvoj i planiranje sportsko ribolovnih takmičenja;
- utvrđivanje sistema takmičenja u sportskom ribolovu;
- zaštita i unapređenje ribljeg fonda, očuvanje ribolovnih područja i prirodne okoline;
- izgrađivanje prijedloga, stavova, mišljenja i inicijativa o pitanjima od interesa za sve članice saveza;
- utvrđivanje metoda i oblika rada za ostvarivanje zajedničkih interesa.

Član 4.

Savez ima svojstvo pravnog lica i stiče ga upisom u registar Ministarstva pravosuđa i uprave ZE DO Kantona .

Savez za preuzete obaveze odgovara svojom imovinom.

Savez ima svoj račun kod poslovne banke.

II. NAZIV SJEDIŠTE I PECAT**Član 5.**

Savez djeluje na području ZE DO Kantona.

Naziv Saveza je: SAVEZ SPORTSKO RIBOLOVNIH DRUŠTAVA ZE DO KANTONA.

Skraćeni naziv je SSRD ZE DO KANTONA.

Sjedište Saveza je u Zenici, ulici Obalni bulevar bb.

Član 6.

Savez ima pečat, štambilj, znak i zastavu.

Pečat Saveza :

- je okruglog oblika u kojem je latinicom ispisan naziv Saveza, a u sredini pečata je ucrtan lik ribe pastrve.

Štambilj Saveza je četvrtastog oblika u kojem je latinicom ispisan naziv saveza , broj protokola i datum.

Znak Saveza je okruglog oblika koji simbolizira sportski ribolov i predstavlja ribu na žutoj podlozi na kojoj je ispisan i naziv krovnog Sportsko Ribolovnog Saveza BiH (SRS BiH), a okolo znaka je ispisan punog naziva saveza.

Zastava saveza ima oblik pravougaonika , dimenzija 2x1 metar, svijetlo plave boje sa znakom saveza u sredini.

Član 7.

Savez predstavlja predsjednik Saveza, a u njegovoj odsutnosti dopredsjednik Saveza, koji su ujedno predsjednik i podpredsjednik UO-a saveza.

Član 8.

Savez se može udružiti i u druge strukovne saveze i ekološke pokrete.

Članovi Saveza mogu postati i druge srodne organizacije i institucije iz Ze-Do Kantona.

Odluku o udruživanju ili istupanju donosi Skupština Saveza.

III. PRISTUPANJE U SAVEZ I PRESTANAK ČLANSTVA U SAVEZU

Član 9.

Svojstvo članice u Savezu može imati udruženje koje je registrovano kod nadležnog organa, koje je potpisnik ugovora o udruživanju u savez i koje redovno izvršava svoje obaveze po osnovu uplate članarina i drugih zakonom propisanih akata i propisa.

Član 10.

Član Saveza postaje se:

- odlukom skupštine članice,
- prihvatanjem kandidature od strane skupštine SSRD ZE DO Kantona,
- potpisivanjem ugovora o pristupanju Savezu.

Član 11.

Prestanak članstva u savezu :

- u skladu sa članom 13 ovog statuta ,
- odlukom o isključenju koju donosi Skupština Saveza iz razloga nepoštivanja prava i obaveza predviđenih ovim Statutom i potpisanog ugovora.

IV. PRAVA I OBAVEZE ČLANICA SAVEZA

Član 12.

Članice Saveza imaju jednaka prava i obaveze.

Članice Saveza imaju prava i obaveze da se u svom radu naročito pridržavaju principa nezavisnosti, ravnopravnosti, sportske etike, zakonitosti rada, na način utvrđen provedbenim aktima Saveza.

Član 13.

Članice Saveza imaju pravo:

- da biraju svoje predstavnike i u organe saveza;
- da učestvuju u radu organa Saveza, iznose svoje stavova i mišljenja o svim pitanjima koja se raspravljaju na nivou tih organa ;
- da redovno provode sportsko ribolovna takmičenja i šalju svoje ekipe i pojedince na takmičenja u skladu sa važećim pravilnicima;
- nezavisno gospodare ribolovnim vodama koje su dobili na korištenje ;
- nezavisno gospodare i upravljaju svojom imovinom ;
- da koriste raspoloživa sredstva predviđena finansijskim planom saveza za participaciju određenih programa (poribljavanje, takmičenje, informiranje, učešće predstavnika u radu saveza i sl.)
- pokreću inicijativu , daju prijedloge i sugestije za odgovarajuće zakonske i podzakonske propise u oblasti sportskog – rekreativnog ribolova, ribarstva, zaštite voda i prirodnog okoliša;
- prema potrebi pokreću pitanja odgovornosti nosilaca funkcija u Savezu.

Obaveze i članica Saveza :

- poštovanje odredaba Statuta Saveza;
- poštovanje odredaba Pravilnika Saveza;
- poštivanje odluka nadležnih organa Saveza;
- uredno i blagovremeno izmirivanje finansijskih, materijalnih i drugih obaveza prema Savezu u skladu sa zakonom statutom i odlukama Saveza najkasnije do 31.12. za tekuću godinu.
- usklade svoje statute i druge akte u skladu sa statutom i drugim provedbenim aktima Saveza sportsko ribolovnih društava Ze-Do Kantona

Prestanak prava i dužnosti članica

- prestankom rada članice;
- samoinicijativnim istupanjem iz Saveza na osnovu pismene odluke skupštine članice.
- isključenjem iz Saveza ,odlukom Skupštine Saveza;
- u drugim slučajevima koje predviđa Zakon.

V DJELATNOST, CILJEVI I ZADACI SAVEZA

Član 14 .

Savez preko svojih organa vrši slijedeće poslove i zadatke :

- provodi javne ovlasti iz zakona o slatkovodnom ribarstvu i provedbenih akata
- u cilju efikasnije zaštite ribolovnih voda i ribolovnog fonda ostvaruje najtješnju suradnju sa srodnim organizacijama na praćenju i prikupljanju podataka o permanentnim i potencijalnim zagađivačima voda i čovjekove prirodne okoline, te predlaže odgovarajuće mjere zaštite;
- pokreće rasprave o pitanjima iz oblasti ribarstva uz angažovanje , saradnju, savjetovanje i traženje mišljenja naučnih ustanova;
- radi na popularizaciji sportskog, rekreativnog ribolova putem sportsko ribolovnih takmičenja i drugih ribolovnih manifestacija;
- uređuje sistem sportsko ribolovnih takmičenja na nivou Ze-Do Kantona;
- provodi utvrđen sistem sportsko ribolovnih takmičenja na nivou Ze-Do Kantona;
- utvrđuje poslove i obaveze članica Saveza za spremanje ekipa na takmičenja svih nivoa;
- kandiduje se za organizaciju određenih ribolovnih takmičenja i daje mišljenje za organizaciju takmičenja;
- zajedno sa drugim subjektima daje prijedloge i sugestije za donošenje novih ili usavršavanje postojećih zakona, pod zakonskih akata i odluka koje se odnose na zaštitu voda i životnih zajednica u vodama u F BiH;
- zajedno sa članicama saveza ostvaruje saradnju sa organizacijama koje proizvode riblju mlad i sa njima usklađuje programe , planove i akcije poribljavanja ribolovnih voda na osnovu planova i potreba članica i drugih subjekata koji su dužni vršiti poribljavanje;
- ostvaruje saradnju sa organima društveno-političkih zajednica , naučnim, turističkim sportskim i drugim organizacijama u F BiH koje su zainteresirane za sportski ribolov, ribolovni turizam, zaštitu ribolovnih voda, zaštitu i unapređenje ribolovnih voda i ribljeg fonda i čovjekove prirodne okoline;
- informiše članice saveza i njihove članove o radu saveza i njegovih organa, neposredno ili putem glasila i sredstava javnog informiranja;
- redovno dostavlja svim članicama ovjerene i potpisane izvode iz zapisnika sa sjednica organa saveza,

- organizuje i djelotvorno iznosi zahtjeve članica saveza pred organima Saveza sportsko ribolovnih društava Ze-Do Kantona a naročito :

1. o kandidovanju članica na provođenju i organizaciji sportskih priredbi i manifestacija,
2. o organizovanju i provođenju i sportskih priredbi i manifestacija za koje je dobila pravo organizovanja.
3. utvrđivanje kriterija i mjerila za financiranje vlastitih sportskih djelatnosti iz sredstava koja ostvari Savez.

Član 15.

U izvršavanju svojih zadataka , Savez saraduje sa nadležnim organima i drugim institucijama.

Poslove i zadatke obavljaju organi saveza, komisije i stručne službe Saveza na način utvrđen ovim statutom i ostalim provedbenim aktima Saveza .

VI. NACIN STICANJA, KORIŠTENJA I RASPOLAGANJA SREDSTVIMA

Član 16.

Za svoju djelatnost Savez prihode ostvaruje iz slijedecih izvora:

- članarine članova Saveza prema Savezu;
- sredstva dobijena iz budžeta,
- od sponzorstva i donacija;
- iz okvira sportskih djelatnosti i dopunske djelatnosti;
- na druge načine u skladu sa zakonom.

Član 17.

Savez ostvarene prihode koristi za financiranje ciljeva i zadataka koji su utvrđeni u finansijskom planu i programu za tekuću godinu.

Svi rashodi moraju biti odobreni odlukom Upravnog odbora Saveza .Zaprimljena sredstva preko blagajne, obavezno se uplaćuju na žiro račun.

Naloge za isplatu sa žiro računa potpisuje predsjednik Upravnog odbora ili osoba ovlaštena od UO-a Saveza.

Blagajničke naloge do iznosa od 200,00 KM potpisuje i izvršava sekretar-blagajnik Saveza.

VII. ORGANIZACIJA SAVEZA

Član 18.

Organi Saveza su:

Skupština, Upravni odbor, Nadzorni odbor i Disciplinski sud.

VII. 1. SKUPŠTINA SAVEZA

Član 19.

Skupština je najviši organ upravljanja i odlučivanja u Savezu i svoja prava i dužnosti vrši u okvirima zakona i statuta.

Skupštinu čine članovi koji su delegati članica od kojih je jedan po dužnosti predsjednik ili ovlašteno lice članice i član je UO-a SSRD ZE DO Kantona i još po dva delegata iz članice .

NADLEŽNOST SKUPŠTINE SAVEZA

Član 20.

Skupština Saveza :

- donosi Statut i njegove izmjene i dopune;
- donosi Poslovnik o radu Skupštine;
- donosi formu ugovora o udruživanju u Savez;
- donosi plan i program rada Saveza ;
- donosi finansijski plan i program za tekuću godinu;
- donosi pravilnik o disciplinskoj odgovornosti;
- donosi pravilnik o pohvalama, priznanjima i nagradama Saveza;
- donosi odluke o prestanku rada Saveza ;
- donosi odluke o prestanku članstva u savezu za pojedine članice Saveza
- donosi odluke o formiranju preduzeća;
- donosi odluke o članarini Savezu;
- razmatra i usvaja izvještaj o radu Saveza;
- razmatra i usvaja Financijski izvještaj o radu Saveza;
- razmatra i usvaja izvještaj o radu Nadzornog odbora Saveza;
- razmatra i usvaja izvještaj o radu Disciplinskog suda Saveza;
- bira i opoziva predsjednika i podpredsjednika Skupštine
- bira i opoziva predsjednika i članove Nadzornog odbora iz reda članova Skupštine;
- bira i opoziva predsjednika i članove Disciplinskog suda iz reda članova Skupštine;
- bira i opoziva svoje predstavnike u organizacijama čiji je član
- razmatra pitanja, donosi odluke i druge akte koji se odnose na:
 - 1.organizaciju sportskih priredbi i manifestacije od značaja za članice Saveza , Federaciju BiH i Državu,
 2. razvoj marketinga Saveza,
 3. utvrđivanje metoda i oblik djelovanja Saveza radi ostvarivanja dogovorenih zahtjeva članica;
 4. ustanovljavanje, verifikaciju i dodjelu priznanja saveza članicama i zaslužnim pojedincima za razvoj i promociju ribolovnog sporta , humanizam i zaštitu okoline,
 - utvrđuje mišljenja, prijedloge i inicijative u vezi donošenja i ostvarivanja planova društveno-ekonomskog razvoja Ze-Do Kantona u djelu koji se odnosi na oblast sporta, zaštite otvorenih vodotoka i životnih zajednica u njima, zaštite čovjekove okoline te razvoja sportskog-rekreativnog ribolova,
 - 5.pripajanje, razdvajanje, transformaciju i druge statusne promjene.

Član 21.

Pojedina pitanja iz svoje nadležnosti Skupština može prenijeti na Upravni odbor ili drugi organ saveza.

Član 22.

Skupština punovažno zasjeda i radi ako postoji kvorum t.j. ako istoj prisustvuje 30% od ukupnog broja delegata u skupštini.

Skupština donosi valjane odluke ako za njih glasa natpolovična većina prisutnih delegata.

O donošenju statuta ili njegovoj izmjeni i dopuni, Skupština odlučuje dvotrećinskom većinom od ukupnog broja prisutnih delegata.

Usvojeni statut, pravilnici, odluke, zaključci i smjernice ako nisu u suprotnosti sa pozitivnim zakonskim propisima obvezni su za sve članice.

Član 23.

Mandat članova Skupštine je 4 godine.

Mandat člana skupštine prestaje prije isteka roka na koji je izabran usljed smrti, istupanjem ili isključenjem iz članstva, podnošenjem ostavke ili opozivom.

Član 24.

Za funkcije organa Saveza, mogu biti imenovana samo lica koja posjeduju stručne kvalitete koja nisu prekršajno odgovarala za djela po Zakonu o slatkovodnom ribarstvu. i koja nisu odgovarala za krivična djela .

Član 25.

Skupština ima predsjednika i podpredsjednika skupštine, koji se biraju na sjednici skupštine. Skupštinu saziva i njome rukovodi predsjednik , a u njegovoj odsutnosti podpredsjednik Skupštine.

Predsjednika i podpredsjednika Skupština bira iz svojih redova, prvenstveno između istaknutih i zaslužnih zastupnika koji su dali svoj doprinos za razvoj ribolova na nivou Ze-Do Kantona i F BiH , uglednih sportskih ribolovaca koji uživaju autoritet cjelokupnog članstva ribolovne organizacije.

Mandat predsjednika i podpredsjednika Skupštine je 4 godine.

Kandidate za predsjednika i podpredsjednika Skupštine predlaže Upravni odbor saveza vodeći računa o odredbama čl. 24 ovog Statuta.

Član 26.

Redovnu Skupštinu saziva predsjednik, a vanrednu pored predsjednika može sazvati Upravni odbor saveza, 1/3 delegata skupštine ili 1/3 od ukupnog broja članica Saveza..

Skupština se održava najmanje jedanput godišnje.

Zakazivanje Skupštine vrši se u roku ne manjem od 15 dana, a delegati se obavještavaju pismeno.

Na sjednicama Skupštine zapisnik vodi sekretar-blagajnik, a ovjeru zapisnika vrše 2 člana koje izabere Skupština.

Član 27.

Skupština donosi poslovnik o radu kojim se utvrđuje pitanja unutrašnje organizacije rada Skupštine, uvjeti za rad članova skupštine, postupak za donošenje odluka i drugih akata, način glasanja, kao i druga pitanja od značaja za efikasan i racionalan rad.

Član 28.

Radi razmatranja prijedloga, odluka i drugih akata, kao i radi pretresanja drugih pitanja ili donošenja drugih konkretnih zaključaka na osnovu opštih akata Skupštine, Skupština može obrazovati svoja tijela i komisije.

Sastav, djelokrug i druga pitanja od značaja za rad tih tijela uređuju se poslovníkom o radu ili posebnom odlukom Skupštine.

Član 29.

Članovi skupštine su dužni prisustvovati sjednicama skupštine, kao i učestvovati u radu skupštinskih tijela u koje su izabrani.

Članovi skupštine imaju pravo da:

1. učestvuju u radu, predlažu i budu birani u tijela skupštine;
 2. odlučuju o pitanjima iz nadležnosti skupštine;
 3. podnose prijedloge i druga pitanja iz nadležnosti skupštine;
 4. traže podatke i obavještenja koja su potrebna u svrhu vršenja dužnosti člana skupštine;
 5. izvršavaju odluke i zaključke skupštine i njenih radnih tijela
- O prisustvovanju skupštini vodi se evidencija.

VII.2. UPRAVNI ODBOR SAVEZA SPORTSKO RIBOLOVNIH DRUŠTAVA ZE-DO KANTONA**Član 30.**

Upravni odbor je izvršni organ Skupštine Saveza .

Čine ga po jedan predstavnik(predsjednik Udruženja ili osoba koju ovlasti Skupština udruženja- članice Saveza) iz svakog Udruženja- člana Saveza. .

Član 31.

Mandat predsjednika, podpredsjednika i članova Upravnog odbora traje 4 godine .

Radom Upravnog odbora rukovodi predsjednik Upravnog odbora koji je ujedno i Predsjednik Saveza.

Predsjednika UO-a kao i podpredsjednika Saveza biraju članovi UO Saveza .

Prijava promjena osoba, predsjednika i podpredsjednika Upravnog odbora, kao i ostalih promjena statuta mora se izvršiti u Registar nadležnog ministarstva Pravosuđa i uprave u roku od 30 dana od dana odluke Skupštine.

Predsjednik Upravnog odbora ima prava i obaveze kako je regulirano ovim Statutom.

Član 32.

Upravni odbor je dužan efikasno i uspješno rukovoditi poslovanje Savezom u skladu sa Zakonom, ovim statutom, odlukama i zaključcima Skupštine.
Rad članova Upravnog odbora temelji se na principima lične i pojedinačne odgovornosti. Predsjednik Upravnog odbora osigurava zakonitost rada u Savezu, primjenu važećih pozitivnih propisa, ovog statuta i drugih provedbenih akata i za svoj rad je odgovoran Upravnom odboru i Skupštini.

Član 33.

Sjednice Upravnog odbora zakazuje njen predsjednik a u slučaju njegove spriječenosti podpredsjednik Saveza , po potrebi, a najmanje šest puta godišnje.
Na sjednicama Upravnog odbora vodi se zapisnik, donose odluke, zaključci i prijedlozi u skladu sa ovlaštenjima iz ovog Statuta i Zakona.
Upravni odbor punovažno raspravlja i odlučuje ako sjednici prisustvuje natpolovična većina od ukupnog broja fizički prisutnih članova. Odluke i zaključci su usvojeni ako za njih glasa natpolovična većina prisutnih članova.

U izuzetno hitnim i opravdanim slučajevima kada bi zbog neblagovremeno donijete odluke i zauzetog stava mogle da nastupe štetne posledice za SSRD ZE DO Kantona Upravni odbor može, na prijedlog Predsjednika Upravnog odbora , donijeti Odluku bez održavanja sjednice, putem pismenog, telefonskog ili elektronskog izjašnjavanja članova Upravnog odbora.
Ako se vrši telefonsko izjašnjavanje, potrebno je dostaviti ovjerenu pismenu potvrdu za izvršeno glasanje u roku od 72 sata nakon telefonskog glasanja.

U slučaju održavanja sjednice putem elektronskog, pismenog ili telefonskog izjašnjavanja, Predsjednik Upravnog odbora je obavezan da prijedlog odluke formuliše tako da se članovi Upravnog odbora mogu izjasniti "za" ili "protiv".

Nakon što primi izjave svih članova Upravnog odbora koji odlučuju putem elektronskog izjašnjavanja, predsjednik će zapisnički konstatovati kako je koji član glasao i utvrditi da li je odluka donesena. Zapisnik će potpisati predsjednik i zapisničar, a sekretar-blagajnik Saveza će ga dostaviti članovima U.O.-a redovnim putem.

Odluke donesene na način opisan prethodnim stavom ovog člana, moraju se verifikovati na prvoj slijedećoj sjednici Upravnog odbora.

Ako se ne provede odlučivanje putem elektronske konsultacija članova, predsjednik je dužan u razumnom roku sazvati redovnu sjednicu Upravnog odbora.

Član 34.

Predsjedniku, podpredsjedniku i članovima Upravnog odbora prestaje mandat i prije isteka mandata usljed: smrti, ostavke, gubitka biračkog i građanskog prava, osudom na kaznu zatvora i opozivom .

Prijedlog opoziva iznosi na sjednici Upravnog odbora ovlaštena osoba matičnog Udruženja za članova Upravnog odbora iz svog Društva, a o opozivu odlučuje UO natpolovičnom većinom prisutnih delegata.

Član 35.

Upravni odbor donosi poslovnik o radu kojim se utvrđuje pitanja unutrašnje organizacije rada upravnog odbora, uvjeti za rad članova , postupak za donošenje odluka i drugih akata, način glasanja , kao i druga pitanja od značaja za efikasan i racionalan rad , kao i način formiranja svojih radnih tijela u skladu sa Statutom i pozitivnim zakonskim propisima..

Član 36.

Upravni odbor ima slijedeće komisije :

1. Takmičarska komisija
 2. Sudijska komisiju ;
 3. Komisiju za ekologiju, zaštitu i unapređenje ribljeg fonda;
 4. Komisiju za marketing ;
 5. Komisiju za dodjelu priznanja, kao i druge komisije po potrebi.
- Mandat članova komisija je 4 godine s ponovnim pravom izbora.
Poslovnikom o radu Upravnog odbora, detaljnije će se regulirati nadležnosti, prava i obaveze ovih komisija.
Komisije imenuje Upravni odbor iz cjelokupnog članstva Saveza .

Član 37.

U nadležnost Upravnog odbora spada:

1. poslovi i zadaci iz člana 3. i člana 14. ovog Statuta ukoliko nisu u isključivoj nadležnosti Skupštine;
2. izvršava odluke i zaključke Skupštine i o istom podnosi izvještaj Skupštini;
3. rukovodi neposredno radom saveza;
4. predlaže Skupštini usvajanje izvještaja o radu, finansijskom poslovanju, te priprema i druge materijale za Skupštinu Saveza;
5. predlaže Skupštini usvajanje plana rada za narednu godinu i finansijskog plana rada Saveza, kao i izmjene i dopune Statuta SSRD Ze-Do Kantona,
6. operativno raspoložuje finansijskim sredstvima saveza za tekući period u skladu sa usvojenim finansijskim planom koji usvoji Skupština;
7. priprema sjednice Skupštine saveza;
8. odlučuje o nagradama i priznanjima;
9. inicira i učestvuje u zaključivanju ugovora i sporazuma;
10. doprinosi afirmaciji članica u svim oblastima djelovanja radi što boljeg društvenog i materijalnog položaja;
11. donosi poslovnik o radu Upravnog odbora;
12. donosi pravilnike iz svoje nadležnosti;
13. podstiče i pomaže razvitak takmičarske aktivnosti u skladu sa pravilnikom;
14. poduzima i pokreće inicijative za osposobljavanje takmičarskih kadrova;
15. utvrđuje kotizacije na nivou Ze-Do Kantona;
16. komunicira i surađuje sa svim članicama SSRD ZE DO Kantona, SRS F BiH i sa SRS BiH;
17. vodi evidencije članstva Saveza;
18. odlučuje o organizaciji rada u Savezu i sistematizaciji radnih mjesta u službama Saveza i o tome zaključuje ugovore;
19. odlučuje o visini naknada za izvršenje određenih poslova i zadataka za potrebe saveza;

- 20. imenuje komisije Upravnog odbora i svoja radna tijela;
- 21. inicira i koordinira rad svojih komisija;
- 22. donosi odluke o putnim troškovima, dnevnica i drugim troškovima;
- 23. daje tumačenje Statuta;
- 24. odlučuje o svim pitanjima za koja ga ovlasti Skupština;

VII.3. PREDsjedNIK UPRAVNOG ODBORA

Član 38.

Predsjednik Upravnog odbora saveza obavlja slijedeće poslove :

- vrši funkciju predsjednika Saveza;
- predstavlja i zastupa Savez ;
- saziva sjednice Upravnog odbora;
- rukovodi radom na sjednicama Upravnog odbora ;
- potpisuje akta koje donosi Upravni odbor i komisije Upravnog odbora;
- stara se o izvršenju odluka Skupštine i Upravnog odbora ,
- ovjerava financijsku dokumentaciju poslovanja Saveza,
- raspolaže pečatom Saveza,
- potpisuje i ovjerava platne naloge novčanih transakcija Saveza koje odlukom odobri Upravni odbor;
- učestvuje u radu i za svoj rad odgovara Upravnom odboru i skupštini,
- obavlja i druge aktivnosti u skladu sa ovim Statutom i Zakonom o slatkovodnom ribarstvu.

Član 39.

Savez sportsko ribolovnih društava Ze-Do Kantona predstavlja i zastupa predsjednik saveza, a u slučaju njegove spriječenosti podpredsjednik Saveza, koji mogu pismeno ovlastiti drugog člana Upravnog odbora da ga u odsutnosti zastupa, ali samo za pojedinačno određene zadatke.

VII.4. NADZORNI ODBOR

Član 40.

Nadzorni odbor ima 3 člana, od kojih je jedan predsjednik, koje bira Skupština iz redova svog članstva.

Članovi Nadzornog odbora trebali bi biti delegati financijske struke.

Mandat predsjednika i 2 člana Odbora je 4 godine, s mogućnošću još jednog ponovnog izbora.

Izbor i opoziv Nadzornog odbora vrši Skupština.

Članovi Nadzornog odbora ne mogu biti članovi Upravnog odbora.

Član 41.

Nadzorni odbor ima slijedeće nadležnosti:

- da kontinuirano i periodično vrši nadzor nad financijsko-materijalnim poslovanjem Saveza, a najmanje 2 puta godišnje,
- prati priliv sredstava i trošenje financijskih sredstava Saveza;
- da kontrolira da li su ostvareni troškovi pokriveni financijskim planom i odlukama nadležnih organa;
- da podnosi izvještaj skupštini o izvršenim kontrolama u toku godine i posebno izvještaj o kontroli blagajničkog poslovanja i poslovanja po završnom računu;
- prati primjenu zakonskih propisa, odluka i akata, zaključaka i stavova kao i ispravnost donešenih zaključaka i stavova Skupštine i Upravnog odbora Saveza,
- prati i analizira izvršavanje programa i planova rada Skupštine i Upravnog odbora saveza,
- predlaže mjere za poboljšanje rada Saveza;
- podnosi zahtjev Disciplinskom sudu za pokretanje odgovornosti članica i pojedinaca;
- vrši i druge poslove i zadatke koji proizlaze iz ovog Statuta i Zakona o financijsko-materijalnom poslovanju.

VII.5. DISCIPLINSKI SUD**Član 42.**

Disciplinski sud čine 3 člana od kojih je jedan predsjednik.

Biraju se na Skupštini iz reda članova Skupštine na mandat od 4 godine s pravom ponovnog izbora.

Član 43.

Disciplinski sud razmatra zahtjev Nadzornog odbora i utvrđuje da li postoje elementi za pokretanje odgovornosti članova pojedinačno, članica Saveza, nosilaca funkcija u Savezu i o tome zauzima stav u skladu sa Pravilnikom o disciplinskoj odgovornosti.

Predlaže skupštini izricanje sankcija prema članovima pojedinačno, članicama Saveza ili odgovornim osobama – članovima tijela Skupštine ili Upravnog odbora i njihovih komisija.

VII.6. SEKRETAR-BLAGAJNIK SAVEZA**Član 44.**

Administrativne poslove Saveza sportsko ribolovnih društava Ze-Do Kantona obavlja sekretar-blagajnik.

Istog imenuje Upravni odbor u skladu sa čl.37.stav 1. tačka 18. ovog Statuta nakon provedenog javnog konkursa.

Sekretar-blagajnik svoje poslove obavlja kao lice angažovano po Ugovoru o djelu..

Poslove saveza, sekretar-blagajnik obavlja u prostorijama Saveza a po potrebi i na terenu.

Sekretar-blagajnik ne može biti član Upravnog odbora, Nadzornog odbora, Disciplinskog suda, te niti jedne komisije Upravnog odbora.

Član 45.

Zadaci sekretara-blagajnik su da :

1. Realizira provedbu odluka , zaključaka i drugih poslova koje mu naloži Upravni odbor,
2. Priprema i distribuira materijale koji ce se razmatrati na sjednicama Skupštine, Upravnog odbora i ostalih tijela Saveza,
3. Vodi zapisnike na sjednicama tijela Saveza,
4. Vodi evidencije o blagajni saveza,
5. Brine o distribuciji članskih knjižica, markica i ribolovnih dozvola,uz mogućnost pojedinačnog podizanja gore navedenih materijala svake članice Saveza,
6. Vodi evidencije o novčanim zaduženjima članica prema Savezu ,
7. Neposredno komunicira sa Upravnim odborom radi rješavanja tekućih pitanja ,
8. Neposredno komunicira sa članicama Saveza i drugim tijelima Saveza ,zaprimajući od njih inicijative upućene Upravnom odboru,
9. Obavlja povjerene mu stručne poslove i vodi potrebne evidencije Saveza.

Član 46.

Upravni odbor može razriješiti sekretara-blagajnika odnosno dati mu otkaz ugovora o djelu ukoliko nađe opravdane razloge koji evidentno upućuju na činjenicu da isti : neadekvatno, neodgovorno , nepravovremeno ili maliciozno obavlja povjerene mu zadatke.

STRUČNI POSLOVI I EVIDENCIJE**Član 47.**

Stručne poslove i evidencije koje vodi sekretar-blagajnik.

U Savezu vode se slijedeće evidencije:

- knjiga protokola, pošte;
- knjiga zapisnika sa registrima odluka :Skupštine i svih drugih tijela Saveza;
- blagajnički izvještaj;
- blokovi blagajničkih uplata i isplata;
- matična knjiga članica saveza
- knjige inventure i arhive organa Saveza.
- kontaktira knjigovođu i u dogovoru sa njime objedinjuje knjigovodstvene izvještaje za organe Saveza.

VIII. JAVNOST RADA SAVEZA**Član 48.**

Rad Skupštine i njenih radnih tijela kao i rad Upravnog odbora je javan.

Javnost organa i tijela Saveza obezbjeđuje se naročito:

- javnim održavanjem sjednica;
- blagovremenim i objektivnim informiranjem članova Saveza putem javnih glasila,
- stalnom saradnjom sa predstavnicima javnog informiranja i objavljivanje odluka organa Saveza.

IX. GLASILA SAVEZA

Član 49.

Savez može da izdaje svoja glasila.

Upravni odbor stara se o koncepciji glasila.

Uređivanje i sadržaj glasila trebaju odražavati stavove, ciljeve i zadatke te postignute rezultate ovog Saveza, a također i članica Saveza.

Glasilo treba da obezbijedi redovno i blagovremeno obavještanje svih članica o svim značajnijim pitanjima iz djelokruga rada Saveza.

Izdavanje glasila financira savez iz vlastitih sredstava te sredstava prihodovanih marketingom.

X. PRESTANAK RADA SAVEZA

Član 50.

Savez prestaje sa radom:

-na način utvrđen Zakonom o udruženjima i fondacijama;

- iz razloga izraženog voljom osnivača,

-smanjenjem broja članica saveza ispod 3

-pravomoćnom presudom suda.

Odluku o prestanku rada Saveza donosi Skupština, a ako se ova ne može održati onda odluku donosi Upravni odbor.

Odlukom o prestanku rada Saveza obavezno se utvrđuju i razgraničavaju prava i obaveze Saveza .

U slučaju prestanka rada Saveza , Skupština u roku od 60 dana donosi odluku o raspodjeli imovine i obaveza saveza uz konacno određivanje namjene financijskih sredstava, pokretne i nepokretne imovine, kao i imovinskih prava Saveza.

Ukoliko Skupština ne donese potrebnu odluku u datom roku , imovina Saveza se dijeli prema članicama Saveza i to u postotku učešća u financiranju rada Saveza u zadnje tri godine.

XI. POSTUPAK PROMJENA STATUTA

Član 51.

O promjeni Statuta odlučuje Skupština.

Promjene Statuta može inicirati najmanje 1/3 od ukupnog broja članova Skupštine, 1/3 članica saveza ili Upravni odbor Saveza.

Član 52.

Skupština prethodno odlučuje o pokretanju postupka mijenjanja ili dopune Statuta.

Prijedlog teksta o promjeni Statuta utvrđuje Upravni odbor i dostavlja članicama na izjašnjavanje.

Nakon provedenog izjašnjavanja Upravni odbor utvrđuje konačan prijedlog Statuta ili izmjena i dopuna Statuta i takvog ga stavlja pred Skupštinu na raspravljanje i usvajanje.

Statut je usvojen ako je za njega glasalo 2/3 od ukupnog broja prisutnih delegata u Skupštini Saveza .Način donošenja izmjene i dopune ovog Statuta u potpunosti su identične postupku donošenja Statuta.

Član 53.

Statut i njegove odredbe stupaju na snagu danom donošenja i usvajanja na Skupštini Saveza , a primjenjivat će se od dana upisa u Registar nadležnog ministarstva Pravosuđa i uprave. Prijava promjena Statuta mora se izvršiti u Registar nadležnog ministarstva Pravosuđa i uprave u roku od 30 dana od dana donošenja odluke Skupštine.

Član 54.

Savez je dužan u roku od godinu dana donijeti i uskladiti normativna akta sa odredbama ovog Statuta.

Član 55.

Sve što nije regulisano ovim Statutom na snazi su odredbe Zakona o udruženjima i fondacijama F BiH, Zakona o slatkovodnom ribarstvu F BiH, Zakona o obaveznim odnosima kao i ostali zakoni i zakonski propisi koji reguliraju poslovanje na vodotocima.

XI. PRELAZNE I ZAVRŠNE ODREDBE

Član 56.

Tekst ovog Statuta objavit će se na oglasnoj ploči Saveza sportsko ribolovnih društava Ze-Do Kantona, kao i na oglasnim pločama Udruga članica Saveza napisan na službenim jezicima F BiH.

Član 57.

Tumačenje statuta daje Upravni odbor Saveza.

Član 58.

Članice Saveza dužne su u roku od godinu dana donijeti i uskladiti normativna akta sa Odredbama ovog Statuta.

Član 59.

Danom stupanja na snagu ovog Statuta, prestaje da važi ranije donešeni Statut.

Broj: 68/22
Zenica, 25.07.2021. godine

SSRD ZE-DO KANTONA
PREDSJEDNIK SKUPŠTINE:

NEDŽAD HODŽIĆ